



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

**IZVJEŠTAJ O REVIZIJI
GODIŠNJEG FINANSIJSKOG IZVJEŠTAJA ZA 2014. GODINU I POSTIZBORNOG
FINANSIJSKOG IZVJEŠTAJA – OPĆI IZBORI 2014.
SAVEZA ZA BOLJU BUDĆNOST BIH - FAHRUDIN RADONČIĆ**

Broj: 03-07-6-294/15
Sarajevo, 17. juni 2016. godine

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije.....	5
Cilj revizije.....	5
Obim revizije.....	5
4. PRETHODNE REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE.....	9

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Saveza za bolju budućnost BiH - Fahrudin Radončić za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2014. godinu, utvrđeno je Savez za bolju budućnost BiH - Fahrudin Radončić u izvještajnom periodu prekršio odredbe člana 11. i člana 12. stav (1), (2) i (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Prema našem mišljenju, osim navedenog, revidirani finansijski izvještaji ukazuju da je Savez za bolju budućnost BiH - Fahrudin Radončić u 2014. godini postupao u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Saveza za bolju budućnost BiH - Fahrudin Radončić za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Savez za bolju budućnost BiH - Fahrudin Radončić se finansirao iz sljedećih izvora¹:

Red. br.	Vrsta prihoda	Iznos u KM	Učešće u uk. prih. %
1	Članarina	30.490,95	1,75%
2	Prilozi fizičkih lica (3-a)	84.275,23	5,42%
3	Prilozi pravnih lica (3-b)	75.450,00	4,33%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	47.124,02	2,71%
7	Prihodi iz budžeta (3-f)	1.492.775,55	85,75%
8	Prihodi od propag. (3-g)	0,00	0,00%
9	Ostali prihodi	743,24	0,04%
I	Ukupni prihodi	1.740.858,99	100,00%
II	Kreditno zaduženje kod banaka	0,00	0,00%
	Izvori finansiranja (I+II)	1.740.858,99	100,00%

Prema podacima iz godišnjeg finansijskog izvještaja, Savez za bolju budućnost BiH - Fahrudin Radončić je ostvario rashode u ukupnom iznosu od 2.304.474,81 KM².

2. PREDSTAVLJANJE POLITIČKE STRANKE

Naziv političke stranke je Savez za bolju budućnost BiH - Fahrudin Radončić. Skraćeni naziv stranke je SBB - Fahrudin Radončić.

Politička stranka je dana 30.10.2009. godine upisana u registar političkih organizacija kod Općinskog suda u Sarajevu, Rješenjem broj: 065-0-F1-09-000035, pod nazivom Savez za bolju budućnost Bosne i Hercegovine i skraćenim nazivom SBB BiH, sa sjedištem u Sarajevu, ulica Danijela Ozme broj 2. Rješenjem Općinskog suda u Sarajevu broj: 065-0-F1-10-000007 od 31.05.2010. godine, Rješenjem broj: 065-0-F1-11-000002 od 18.02.2011. godine i Rješenjem

¹ Politička stranka je dva puta izvršila korekcije završnog računa za 2014. godinu i godišnjeg finansijskog izvještaja, koji je Centralnoj izbornoj komisiji BiH podnijela 30.03.2015. godine. Korigovane finansijske izvještaje stranka je dostavila 07.09.2015. godine i 07.03.2016. godine, skupa sa očitovanjem na preliminarni revizijski izvještaj, u kome su navedeni nalazi revizije.

Podaci o izvorima finansiranja, navedeni u tabeli, su preuzeti iz korigovanog finansijskog izvještaja, koji je stranka dostavila Centralnoj izbornoj komisiji BiH 07.03.2016. godine.

² Podaci su preuzeti iz korigovanog finansijskog izvještaja od 07.03.2016. godine

broj: 065-0-F1-14-000013 od 14.05.2014. godine je promijenjen naziv političke stranke u Savez za bolju budućnost BiH - Fahrudin Radončić i skraćeni naziv SBB - Fahrudin Radončić.

Sjedište političke stranke je u Sarajevu, ulica Tešanjka broj 24a.

Lice ovlašteno za zastupanje i predstavljanje političke stranke je Fahrudin Radončić, predsjednik stranke.

Lice ovlašteno za podnošenje finansijskih izvještaja za 2014. godinu je Kanita Imamović.

Prema podacima iz godišnjeg finansijskog izvještaja za 2014. godinu, organizacionu strukturu Savez za bolju budućnost BiH - Fahrudin Radončić čine:

- Centrala SBB - Fahrudin Radončić Sarajevo,
- 7 kantonalnih odbora SBB - Fahrudin Radončić,
- 57 općinskih/opštinskih odbora SBB - Fahrudin Radončić,
- organizacioni dio SBB - Fahrudin Radončić u Brčko distriktu BiH.

3. OPIS REVIZIJE

Predmet revizije je godišnji finansijski izvještaj Saveza za bolju budućnost BiH - Fahrudin Radončić za 2014. godinu i godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine, i to sljedećih organizacionih dijelova političke stranke:

- Centrala SBB - Fahrudin Radončić u Sarajevu,
- Kantonalni odbor SBB - Fahrudin Radončić Kantona Sarajevo,
- Kantonalni odbor SBB - Fahrudin Radončić Zeničko-dobojskog kantona i
- Organizacioni dio SBB - Fahrudin Radončić u Brčko distriktu BiH.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15 Izbornog zakona BiH (finansiranje kampanje), s posebnim osvrtom na odredbe člana 15.10 Zakona.

Obim revizije finansijskih izvještaja Saveza za bolju budućnost BiH - Fahrudin Radončić obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, te finansiranja izborne kampanje u skladu sa odredbama Izbornog zakona BiH.

4. PRETHODNE KONTROLE I REVIZIJE

Služba za reviziju izvršila je pregled, kontrolu i reviziju finansijskih izvještaja Saveza za bolju budućnost BiH - Fahrudin Radončić u periodu od 2010. do 2013. godine, nakon kojih su izdati izvještaji o pregledu, odnosno izvještaji o reviziji sa mišljenjem revizora, nalazima i preporukama revizije.

Nakon izvršenog pregleda Godišnjeg finansijskog izvještaja za 2013. godinu, te nakon što je politička stranka izvršila ispravke u svojim poslovnim knjigama i Službi za reviziju dostavila ispravljene obrasce godišnjeg finansijskog izvještaja i ispravljene Godišnji obračun za 2013. godinu izdat je izvještaj o pregledu sa mišljenjem revizora da nije zapaženo ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka

5. NALAZI I PREPORUKE

5.1. NALAZI

Savez za bolju budućnost BiH - Fahrudin Radončić nije postupio u skladu sa odredbama člana 11., člana 12. stav (1), (2) i (3) Zakona o finansiranju političkih stranaka i odredbama člana 15.1 stav (1) Izbornog zakona BiH.

Politička stranka nije, u svim značajnim aspektima, vodila poslovne knjige u skladu sa računovodstvenim propisima³, evidencije o dijelu prihoda, rashoda, obaveza i prometu putem jednog od transakcijskih računa nije uspostavila blagovremeno, odnosno u godini u kojoj su poslovni događaji nastali⁴, što potvrđuje i činjenica da je stranka 2015. i 2016. godine u poslovnim knjigama za 2014. godinu evidentirala poslovne promjene⁵, te da je dva puta vršila ispravku završnog računa i finansijskog izvještaja, čije je korekcije Centralnoj izbornoj komisiji BiH dostavila 07.09.2015. i 07.03.2016. godine, skupa sa očitovanjem na preliminarni Izvještaj o reviziji godišnjeg finansijskog izvještaja za 2014. godinu i postizbornog finansijskog izvještaja – Opći izbori 2014, u kome su navedeni nalazi revizije

- (1) Politička stranka je novčani promet u iznosu od 14.500,00 KM putem transakcijskog računa, kod Union banke, koji je ostvaren u 2014. godini, evidentirala 2016. godine i to u poslovnim knjigama za 2014. godinu.
- (2) Politička stranka je u poslovnim knjigama i finansijskom izvještaju prijavila promet gotovine putem blagajne Centrale stranke u iznosu od 138.176,89 KM, pri čemu je početno stanje na dan 01.01.2014.godine bilo 9.676,89 KM, priliv gotovine na blagajnu tokom godine 128.500,00 KM, gotovinske isplate 59.420,91 KM i stanje gotovine na blagajni na dan 31.12.2014. godine 78.755,98 KM.
Uvidom u blagajničku dokumentaciju, utvrđeno je da blagajnički nalozi naplate i isplate sredstava nisu kontrolisani niti odobreni od strane ovlaštene osobe i nisu potpisani od strane blagajnika⁶. Posebno skrećemo pažnju na iznose gotovinskih transakcija u mjesecu oktobru, kada su u periodu od 20.-31. oktobra u blagajnu unesena sredstva u iznosu od 74.000,00 KM i to: 20. oktobra 13.500,00 KM, 29. oktobra 52.000,00 KM i 31. oktobra 8.500,00 KM, obzirom da politička stranka nije iskazala njihov utrošak, odnosno iskazala ih je kao gotovinu u blagajni na dan 31.12.2014. godine.
- (3) U finansijskom izvještaju koji je u skladu sa Zakonom o finansiranju političkih stranaka Centralnoj izbornoj komisiji BiH podnesen 30.03.2015. prijavljeni su ukupni prihodi u iznosu od 1.676.918,22 KM, a potom je stranka dva puta podnijela korekcije izvještaja i to 07.09.2015. godine, u kome je prijavila prihode u iznosu od 1.724.785,39 KM i 07.03.2016. godine sa prijavljenim prihodom od 1.740.858,99 KM.

³ U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

⁴ U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima

⁵ Na osnovu odredbe člana 20. Zakona o računovodstvu i reviziji u Federaciji Bosne i Hercegovine ("Službene novine Federacije BiH", 83/09) kod vođenja poslovnih knjiga mora se uvažavati načelo ažurnosti. U skladu sa odredbom člana 29. istog zakona poslovne knjige se zaključuju poslije knjiženja svih poslovnih promjena i obračuna na dan završetka poslovne godine najkasnije do roka za dostavljanje finansijskih izvještaja (28. februara naredne godine).

⁶ U skladu sa članom 17. Zakona o računovodstvu i reviziji u Federaciji Bosne i Hercegovine knjigovodstvena isprava prije knjiženja mora biti prekontrolisana sa stanovišta formalne, suštinske i računске ispravnosti i ovjerena od ovlaštenih lica u pravnom licu.

- (4) U finansijskom izvještaju Saveza za bolju budućnost BiH - Fahrudin Radončić za 2014. godinu, podnesenom u martu 2015. godine, prijavljeni su ukupni troškovi u iznosu od 2.232.032,68 KM, u korigovanom izvještaju iz septembra iste godine troškovi su iskazani u iznosu od 2.276.838,48 KM, a u 2016. godini isti su korigovani na iznos od 2.304.475,81 KM.
- (5) Stranka je u periodu od 10.10. do 15.10.2014. godine isplatila novčane akontacije nižim organizacionim dijelovima stranke, na privatne račune sekretara i odgovornih lica u iznosu od 72.500,00 KM. Do 31.12.2014. godine politička stranka nije evidentirala troškove za koje su sredstva isplaćena, niti su akontacije pravdane na drugi način, iako se iste, u skladu sa odlukama stranke, o isplati akontacija pravdaju svakog mjeseca, i to do 5 svakog mjeseca za prethodni mjesec, uz podnošenje izvještaja i računa za nastale troškove.
Radi nedostatka dokaza da li su sredstva u iznosu od 72.500,00 KM utrošena, ista su u poslovnim knjigama evidentirana kao potraživanja.
- (6) Stranka je u poslovnim knjigama i finansijskim izvještajima u periodu od 2012. do 2014. godine iskazivala obavezu prema pravnom licu Robot General Trading d.o.o. Sarajevo u iznosu od 46.505,70 KM.
Revizijom finansijskih izvještaja za 2014. godinu, kada je pribavljena analitička kartica od pravnog lica Robot General Trading d.o.o. Sarajevo, utvrđeno je da ovo pravno lice na dan 31.12.2014. godine nije imalo potraživanja od Saveza za bolju budućnost BiH - Fahrudin Radončić, niti je stranci ikada fakturisan iznos koji ona iskazuje u poslovnim knjigama.
Uvidom u račun pravnog lica Robot General Trading d.o.o. Sarajevo, broj: 001071 od 24.09.2012. godine, utvrđeno je da isti glasi na Avaz roto press d.o.o. Sarajevo za isporučeni reklamni materijal (5.000 muških majica i 4.971 kačket), a evidentiran je u poslovnim knjigama Saveza za bolju budućnost BiH - Fahrudin Radončić, i to kao trošak nabavljenog propagandnog materijala za izbornu kampanju za Lokalne izbore 2012. godine.
Politička stranka je 02.01.2015. godine donijela odluku o otpisu obaveze prema pravnom licu Robot General Trading d.o.o. Sarajevo, u kojoj navodi da je u 2014. godini konstatovala grešku, pa obzirom da je ista kasno ustanovljena, nepostojeća obaveza iskazana poslovnim knjigama u iznosu od 46.505,76 KM, otpisuje se u korist prihoda političke stranke. U skladu sa pomenutom odlukom, stranka je isti dan u poslovnim knjigama za 2015. godinu stornirala obavezu prema pravnom licu Robot General Trading d.o.o. Sarajevo, a uknjižila naknadno utvrđene prihode iz prethodnih godina⁷.
U vezi sa navedenom greškom, Avaz roto press d.o.o. Sarajevo je političkoj stranci izdao potvrdu broj: 485/16 od 04.03.2016. godine u kojoj se navodi da je račun, broj: 001071 od dana 24.09.2012. godine, izdat od strane Robot Commerce, knjižen u njihovim poslovnim knjigama u tekućoj godini.
- (7) Savez za bolju budućnost BiH - Fahrudin Radončić nije u finansijskom izvještaju iskazao obaveze na način kako je propisala Centralna izborna komisija BiH⁸, čime je prekršio odredbe člana 12. stav (3) Zakona o finansiranju političkih stranaka i člana 24. Pravilnika o godišnjim finansijskim izvještajima političkih stranaka.
- U skladu sa odredbom iz člana 24. stav (1) tačka a) Pravilnika, u finansijski izvještaj, odnosno obrazac 5-1 *Obaveze političke stranke po kreditima i pozajmicama* obavezno je

⁷ Politička stranke je završni račun za 2014. godinu podnijela nadležnoj instituciji (AFIP), u skladu sa računovodstvenim propisima, 27.02.2015. godine. Poslovne promjene, pa samim time uočene greške iz prethodnih godina, mogla je ispravljati sve do dana podnošenja završnog računa.

⁸ U skladu sa odredbom iz člana 12. stav (3) Zakona, politička stranka podnosi finansijski izvještaj u formi koju odobri Centralna izborna komisija BiH. Forma finansijskog izvještaja utvrđena je Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

unijeti podatke o davaocu kredita ili pozajmice, iznosu kredita, datumu njegove realizacije, visini rate, roku vraćanja i iznosu obaveze na dan 31.12. izvještajne godine.

Politička stranka, u skladu sa navedenom odredbom Pravilnika, u finansijski izvještaj nije unijela podatke o datumu realizacije pozajmica i roku njihovog vraćanja. U finansijskom izvještaju stranka je na dan 31.12.2014. godine iskazala obaveze po osnovu pozajmica od pravnog lica Avaz d.o.o. Sarajevo u iznosu od 380.000,00 KM, pravnog lica Avaz roto press d.o.o. Sarajevo u iznosu od 515.000,00 KM i jednog fizičkog lica u iznosu od 10.000,00 KM, što ukupno iznosi 905.000,00 KM.

Uvidom o ugovore o pozajmicama, utvrđeno je da je politička stranka kratkoročne pozajmice od pravnog lica Avaz d.o.o. Sarajevo primila 2010. godine, a aneksima na ugovore, zaključene 2010. godine, produžavala je rokove njihove otplate. Politička stranka i Avaz d.o.o. Sarajevo su 2014. godine zaključili anekse ugovora, prema kojima se stranka obavezuje da ukupan dug po osnovu pozajmica vrati u roku od jedne godine od dana potpisivanja aneksa i to: 30.08.2015. godine 250.000,00 KM, 20.11.2015. godine 50.000,00 KM, 18.12.2015. godine 100.000,00 KM i 31.12.2015. godine 30.000,00 KM⁹.

Pozajmice Avaza roto press d.o.o. Sarajevo stranka je primila u 2014. godini i to 22.09. 2014. godine 200.000,00 KM i 17.12.2014. godine 315.000,00 KM, a rok vraćanja je dvanaest mjeseci od dana prijema pozajmice.

- U skladu sa odredbom iz člana 24. stav (1) tačka b) Pravilnika, u finansijski izvještaj, odnosno obrazac 5-2 *Ostale obaveze* obavezno je unijeti podatke o nazivu povjerioca, datumu nastanka obaveze i iznosu obaveze na određeni dan.

Politička stranka je umjesto datuma nastanka obaveza, u pomenutom obrascu finansijskog izvještaja za obaveze u iznosu od 366.694,44 KM navela samo da su iz početnog stanja 01.01.2014. godine.

Uvidom u finansijsku dokumentaciju, utvrđeno je da su obaveze prema pravnom licu „OKO“ Grafičko-izdavačka kuća u iznosu od 209.464,52 KM, nastajale u periodu od 2010. do 2014. godine i to: 2010. godine 46.105,48 KM, 2011. godine 6.861,97 KM, 2012. godine 40.771,43 KM, 2013. godine 7.033,63 KM i 2014. godine 108.692,01 KM¹⁰.

- (8) Finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine politička stranka nije podnijela na način kako je propisala Centralna izborna komisija BiH¹¹, čime je prekršila odredbe člana 12. stav (2) Zakona o finansiranju političkih stranaka i odredbe člana 15. 1 stav (1) Izbornog zakona BiH.

U godišnjem finansijskom izvještaju stranka je troškove izborne kampanje iskazala u iznosu većem za 88.168,13 KM, u odnosu na troškove koje je iskazala u finansijskom izvještaju za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine (postizbornom izvještaju), koji je Centralnoj izbornoj komisiji BiH podnijela 15.12.2014. godine, nakon zakonom utvrđenog roka¹².

⁹ Avaz d.o.o. Sarajevo je otpisao dio zajma, u iznosu od 50.000,00 KM.

¹⁰ Nakon što je u Preliminarnom revizijskom izvještaju izražena sumnja u namjeru izmirenja obaveza prema GIK OKO, stranka je 20.05.2016. godine dostvila dokaze o isplati dijela dugovanja u 2016. godini u iznosu od 37.801,92 KM.

¹¹ U skladu sa odredbom iz člana 12. stav (2) Zakona o finansiranju političkih stranaka, politička stranka podnosi finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

¹² U skladu sa odredbama člana 15.1 stav (1) Izbornog zakona Bosne i Hercegovine, stranka je imala obavezu da finansijski izvještaj za period od dana podnošenja prijave za ovjeru za izbore do dana ovjere rezultata izbora Centralnoj izbornoj komisiji BiH podnese u roku od trideset dana od dana objave izbornih rezultata u Službenom glasniku BiH, odnosno do 10.12.2014. godine.

U postizbornom izvještaju stranka je iskazala troškove kampanje u iznosu od 854.921,24 KM, dok je u godišnjem finansijskom izvještaju iste troškove iskazala u iznosu od 943.089,37 KM. U skladu sa odredbama člana 15. 1 stav (1) Izbornog zakona BiH, a u vezi člana 12. stav (2) Zakona o finansiranju političkih stranaka, Savez za bolju budućnost BiH - Fahrudin Radončić je bio obavezan da u finansijskom izvještaj za period od dana podnošenja prijave za ovjeru za izbore do dana ovjere rezultata izbora iskaže sve troškove koji su nastali u svrhu provođenja izborne kampanje.

Troškovi izborne kampanje

Savez za bolju budućnost BiH - Fahrudin Radončić je iskazao troškove izborne kampanje u skladu sa odredbama člana 15.10 Izbornog zakona Bosne i Hercegovine, odnosno u okviru zakonom utvrđenog limita.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM¹³ po biraču u svakom izbornom krugu, prema broju birača koje je objavila Centralna izborna komisija BiH.

U svrhu izborne kampanje za Opće izbore 2014. godine Savez za bolju budućnost BiH - Fahrudin Radončić je iskazao troškove u iznosu od 943.089,37 KM, a prema podacima Centralne izborne komisije BiH, na osnovu broja birača, mogao je potrošiti 1.239.207,90 KM.

5.2. PREPORUKE

Preporučuje se Savezu za bolju budućnost BiH - Fahrudin Radončić da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da uspostavi potpune, tačne i blagovremene evidencije o svojim prihodima, rashodima i obavezama,*
- *da postupa u skladu sa svojim aktima, kojima su uređene procedure za isplate akontacija za troškove nižih organizacionih dijelova, te način i vrijeme za njihovo pravdanje,*
- *da finansijske izvještaje Centralnoj izornoj komisiji BiH podnosi u skladu sa zakonima iz njene nadležnosti i*
- *da poštuje i druge propise, s posebnim naglaskom na propise koji regulišu blagajničko poslovanje.*

¹³ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

KOMENTAR:

Savez za bolju budućnost BiH - Fahrudin Radončić se, putem pravnog lica koje stranci pruža računovodstvene usluge, u datom roku očitovao na Preliminarni izvještaj o reviziji godišnjeg finansijskog izvještaja za 2014. godinu i postizbornog finansijskog izvještaja – Opći izbori 2014. koji je stranci dostavljen 26.02.2016. godine.

U skladu sa odredbom članom 14. stav (3) Zakona o finansiranju političkih stranaka, politička stranka je dobrovoljno otklonila neke od nedostataka, koji su navedeni u preliminarnom izvještaju, o čemu je dostavila relevantne dokaze, dok je neke od nalaza osporila. Pored očitovanja na preliminarni revizijski izvještaj, u roku koji je stranci dat u skladu sa odredbom iz člana 17. Pravilnika o administrativnim procedurama pregleda, kontrole i revizije finansijskih izvještaja političkih stranaka, Savez za bolju budućnost BiH - Fahrudin Radončić je 20.05.2016. godine Centralnoj izbornoj komisiji BiH dostavio dodatne odgovore i dopune na preliminarni revizijski izvještaj.

U skladu sa navedenim, Služba za reviziju je uvažila ispravku nedostataka u finansijskom izvještaju, uvažila naknadno dostavljene dokaze o pogrešnom evidentiranju u svojim poslovnim knjigama tuđeg računa u iznosu od 46.506,76 KM, dokaze da ima namjeru i da je počela izmirivati obaveze prema dobavljačima (starije od tri godine), te obaveze po beskamratnim pozajmicama, među kojima je i pozajmica od 380.000,00 KM koju je stranka primila 2010. godine, pa je nalaze iz preliminarnog revizijskog izvještaja da stranka nije prijavila priloge fizičkih i pravnih lica, te da je ostvarila priloge preko limita i zabranjene priloge, korigovala u konačnom izvještaju.

- Politička stranka je u finansijskom izvještaju, koji je korigovala nakon izdatog preliminarnog revizijskog izvještaja prijavila donacije u iznosu od 50.800,00 KM i to: donaciju pravnog lica „Valuna“ d.o.o. Sarajevo u iznosu od 35.000,00 KM, koju je ostvarila 03.09.2014. godine otpisom novčane pozajmice, nenovčane donacije dva fizička lica ostvarene otpisom obaveza u iznosu od 1.800,00 KM i novčane donacije u iznosu od 14.000,00 KM koje su stranci uplaćene 2014. godine na transakcijski račun kod Union banke (donacija pravnog lica „Elatec“ d.o.o. Tuzla u iznosu od 4.000,00 KM i novčana donacija Pindžo Jasminke u iznosu od 10.000,00 KM). Prijavila je i prihod koji je ostvarila iz budžeta Općine Ilidža u iznosu od 2.073,60 KM.
- Stranka je dostavila potvrdu pravnog lica Avaz roto press d.o.o. Sarajevo, broj: 485/16 od 04.03.2016. godine, u kojoj navodi da je račun, broj: 001071 od dana 24.09.2012. godine, izdat od strane Robot Commerce (naziv pravnog lica je Robot General Trading d.o.o. Sarajevo), knjižen u njihovim poslovnim knjigama u tekućoj godini.
- Uz odgovore i dopune na preliminarni izvještaj o reviziji godišnjeg finansijskog izvještaja za 2014. godinu, stranka je 20.05.2016. godine dostavila dokaze o plaćenom dijelu obaveza u 2016. godini, prema pravnom licu „OKO“ Grafičko-izdavačka kuća Sarajevo i obaveza po zajmovima pravnih lica Avaz roto press d.o.o. Sarajevo i Avaz d.o.o. Sarajevo.

Nalazi u vezi člana 11. i 12. Zakona o finansiranju političkih stranaka su korigovani u skladu sa ispravkom finansijskog izvještaja političke stranke i dostavljenim novim revizijskim dokazima.

Zahvaljujemo se osobi ovlaštenoj za finansijske izvještaje, na korektnoj saradnji tokom obavljanja revizije finansijskih izvještaja.

Pomoćnik revizora

Šef Službe za reviziju, revizor

Mr. sc. Goran Cicović

Mr. sc. Hasida Gušić